



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

XXV. Angues implexos crinibus Magdalena lacrymis oppugnat.

[urn:nbn:de:hbz:466:1-70461](#)

Nam lacrymas tereti filo quas nebat ocellus,
 Nunc glomerat densis turbidus amnis aquis:
 Parca sed vndantes castigat habena liquores,
 Et rursum tenui fletus in imbre cadit;
 Iamque nouo tractu rursum serpebat IESVS:
 Hæsit in I; rapidis cetera delet aquis.

XXIV.

Serpentes crinibus MAGDALENAE inerrant.

Tet*ra* tortili dolosus
 Draco ligat flagello,
 Et sibilas in iras
 Armat caput Medusæ.
 Ludus Medusa, ludus,
 Ludus tui dracones,
 Sed dirus ambo ludus.

XXV.

Angues implexos crinibus MAGDALENA lacrymis oppugnat.

Tantum nefas venustis
 Errare tu capillis
 Sines, sines inultum?
 Impunè tot cerasæ
 Adulterant pudicam
 Frontem feris colubris,
 Et os tibi flagellant
 Vibice crispisulcâ?
 Num sic inexpiati

Hydri

Hydri comis sedebunt?
Impunè nexa nulli
Stat innocens nocenti:
Tu nónne virulentas
In viperas, & Orcum,
Telum paras & arcum?
At quo struis metallo?
An igneis sagittis
Stipas grauem pharetram?
Lentōve cædis aspras
Siluas arundineto,
Aut corneo vireto
Mortem anguibus volucrem?
Cornos, arundinesque,
Facesque sanguisugas,
Linquis graui Gradiuo;
Sed innocentē telo
Pugnas inermis hostis,
Et liqueris perennes
In lacrymas: &, cheu!
Tu fons amarulentos
Decurris in liquores,
Amaritudinesque;
Queis vberat gemellum
Alueus biceps in amnem.
Sic puriore liquens
Lymphā rigas Magistrum,
Lymphā domas dracones,
Lymphā pias piaculum.

Amor